


[www.BibleForChildren.org](http://www.BibleForChildren.org)

# उत्पत्ति 3




आदम अपनी बईय्यर को नाओं हव्वा रखी,  
काहैकि बौ सब जिंदे लोगन की  
मूलअईय्या बनी।



सब बन जानवरन मैं साँप भौत चालाँक  
जानवर रहै जोकै परमेस्वर बनाई रहै। साँप  
बईय्यर से पूँछी, “का परमेस्वर सच्ची मैं कही  
रहै, कि तुम बगिया के कोई भी  
पेंड के फल मत खईयो?”



बईय्यर साँप कै जबाब देथै, “हम बगिया के कोई भी पेंड के फल खाए सकथैं, पर परमेस्वर हमसे कही है, ‘कि तुम जौ बगिया के बीच बारे पेंड को फल मत खईयो, बाकै छुईयो भी मति, अगर तुम ऐसो करैगे तौ तुम मर जागे।’” तौ साँप बईय्यर कै जबाब देथै, “जौ सच नाय है; तुमरी मौत नाय होगी। काहैकि परमेस्वर जानथै कि अगर तुम जाकै खागे तौ तुमरी आँखी खुल जागी, और तुम भले-बुरे को ग्यान पाएकै परमेस्वर के तराहनी बन जागे।”



बईय्यर देखी कि पेंड कित्तो सुगड़ है और बाको फल खान में कित्तो अच्छो होगो, और बौ सोची कि बुद्धिमान बननो कित्तो बढ़िया होगो। फिर बौ कुछ फल कै तोड़ी और बाकै खाई, और कुछ फल बौ अपने लोगा कै भी दई, और बौ भी खाई। तौ उन दोनों की आँखी खुल गई, और बे जान गै कि बे नंगे हैं; तौ बे अंजीर के पत्ता को नघोटा बनाए कै खुदकै ढांक लई।






लेकिन प्रभु परमेस्वर  
बौ आदमी कै चिल्लात भई कही, तू कहाँ है? बौ  
जबाब दर्ई, “मैं बगिया मैं तेरी अब्राज सुनो; और मैं डराएकै तोसे लुक  
गौ, काहैकि मैं नंगो रहौं।” प्रभु परमेस्वर बासे पूँछी, “तोसे कौन कहो  
कि तू नंगो है? का तुम बौ फल कै खाए जो मैं  
तुम्हें खान से मना करो रहौं?”



आदमी जबाब दर्ई, “जो बर्ईय्यर कै तू मेरे संग रहन कै दौ रहै बहे  
मोकै बौ पेंड को फल खान कै दर्ई, और मैं बाकै खाओ।” प्रभु  
परमेस्वर बौ बर्ईय्यर से कही, तू ऐसो काहे करो? बौ  
जबाब दर्ई, “साँप मोकै बहकाई तभईये मैं खाओ।”






जौ बजह से प्रभु परमेस्वर बाकै अदन की बगिया  
से बाहर निकार दई, और जो मट्टी से बौ बनाओ  
गौ रहै बहे मैँ खेती कराई।







जौ बजह से बौ इंसान कै निकार दर्ई, और जिंदगी  
देन बारे पेंड के रस्ता में पहरा देन के ताहीं अदन  
की बगिया के अगर के घाँई करूब कै, और  
चारौ तरफ घूमन बारी अग्रिमय तलवार  
कै भी ठहराए दर्ई।




फिर आदम अपनी बईय्यर हव्वा से संबंध बनाई, और फिर बौ गर्भवती भई। बाको एक लौड़ा पैदा भौ, और बौ कही, “प्रभु की मदत से मोकै एक लौड़ा मिलो है।” इसलै बौ बाको नाओं कैन रखी। जाके बाद बौ एक और लौड़ा कै जनम दर्ई। हाबिल एक बरदिया बनो, लेकिन कैन एक किसान बनो।




कुछ समय के बाद, कैन प्रभु के झोने अपनी फसल में से कुछ भेंट लैकै आओ। तौ हाबिल अपनी भेंड को पहलोठो मेमना बाकै भेंट करन के ताहीं लाई और बाकै मारकै चर्बी बारे मास कै भेंट करी। प्रभु हाबिल की भेंट से भौत खुस भौ। लेकिन बौ कैन की भेंट कै ठुकराए दर्ई। जौ बजह से कैन के मोहों में उदासी छाए गई, और बौ गुस्सा से भर गौ।



तौ कैन अपने भईय्या हाबिल से कही, “आ आपन मैदान में चलथैं।”  
और जब बे मैदान में रहैं, कैन अपने भईय्या ऊपर हमला  
कर देथै और बाकै मार डारथै।



प्रभु कैन से पूँछी, तेरो भईय्या हाबिल कहाँ है? बौ जबाब दर्ई, “मोए न पता है, मैं का अपने भईय्या की देखरेख करन बारो हौं?” और कैन प्रभु के सामने से दूर ही गौ और “नोद” नाओं के देस में रहन लगो, जो अदन के अगार दिसा मैं है।




आदम और अपनी बईय्यर के संग फिर से संबंध बनाई; और बौ एक और लौड़ा कै जनम दर्ई और बाको नाओं जौ कहकै सेत रखी कि “परमेस्वर मेरे ताहीं हाबिल के बदले, जोकै कैन मार डारी रहै।” एक और लौड़ा दर्ई है।




और सेत के जनम के बाद, आदम आठ सौ साल ले जिंदो रहो। और बाके और भी बालका पैदा भै फिर आदम नौ सौ साल की उमर पूरी होन के बाद मर गौ।




जब प्रभु देखी, कि पृथ्वी में सब रहन बारे लोग कित्ते दुस्ट  
हैं, और उनके मन बिचार हर समय बुराई के  
घाँईये रहथै, और प्रभु पृथ्वी में इंसान कै  
बनाएकै बड़ा पछतानो। बौ अपने  
मन में भौत दुखी भौ।



प्रभु कही, "मैं इंसान कै पालतू जानवरन कै नेंगन बारे, और आसमान के पक्छयन कै मिटाए दुंगो, काहैकि मोकै जौ बात को दुख कि मैं उनकै बनाओ हौं।"



लेकिन प्रभु को कृपा नूह के ऊपर रहै। नूह के तीन लौड़ा रहैं, सेम, हाम, और येपेता।



काहैकि परमेस्वर जौ दुनिया से ऐसो प्यार करी  
कि बौ अपनो इकलौतो लौड़ा दै दर्ई, ताकी जो  
कोई बाके ऊपर बिस्वास करै, बौ नास ना  
होबै, बल्किन अनंत जिंदगी पाबै।



रोमियों 3:23

तभईये सबै पाप करीं हैं और परमेस्वर की महिमा से दूर हैं,

रोमियों 6:23

पाप कि मजदूरी तौ मौत है, लेकिन परमेस्वर को वरदान हमरे प्रभु मसीह ईसु में अनंत जिंदगी है।

इब्रानियों 9:27

और जैसी इंसानन के ताहीं एक बार मरनो और बाके बाद न्याय को होनो ठहराओ गौ है।

इफिसियों 2:8,9

काहैकि बिस्वास के अनुग्रह सेई तुमरो उद्धार भौ है; और जौ तुमरे करमन से नाय है, बल्किन परमेस्वर को दान है, और ना करमन के बजह से, काहैकि ऐसो नाय होबै कि कोई गुमान करै।



रोमियों 10:9,10 कि अगर तैं अपने मोहों से ईसु कै प्रभु मानकै अंगीकार करै मतलब ईसु कै प्रभु मानिये लेबै और अपने मन में बिस्वास करकै कि परमेस्वर बाकै मरे भैन में से जिंदो करी है, तौ तू सच्ची में उद्धार पायगो। काहैकि धार्मिकता के ताहीं मन से बिस्वास करो जाथै, और उद्धार के ताहीं मोहों से अंगीकार करो जाथै।

यूहन्ना 3:16,17 “काहैकि परमेस्वर जौ दुनिया से ऐसो प्यार करी कि बौ अपनो इकलौतो लौड़ा दै दई, ताकी जो कोई बाके ऊपर बिस्वास करै, बौ नास ना होबै, बल्किन अनंत जिंदगी पाबै। परमेस्वर अपने लौड़ा कै जौ दुनिया में जाके ताहीं नाय पनारी, कि बौ दुनिया में न्याय करै, बल्किन जाके ताहीं पनारी कि जौ दुनिया में बाके जरिये उद्धार पामैं।

1 यूहन्ना 5:11-13 गभाई जौ है: परमेस्वर हमें अनंत जिंदगी दई है, और जौ जिंदगी बाके लौड़ा में जाको स्रोत है। जोके पास भी लौड़ा है बाकी जिंदगी है; जोके पास परमेस्वर को लौड़ा नाय है बाके पास जिंदगी नाय है। में जौ तुमकै तभईये लिखरौ हौं ताकी तुम जान सकौ कि तुमरे पास अनंत जिंदगी है, तुम जो परमेस्वर के लौड़ा के नाओं के ऊपर बिस्वास करथौ।



# उत्पत्ति 3 – 6

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: M. Maillot, Tammy S.

Rana Tharu Bible (thr) ©The Word for the World  
International and Rana Tharu Translation Samithi, Khatima,  
UttraKhanda, India. 2025

<https://www.bible.com/bible/4065/MAT.1.RTU2025>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

